



Broj: 116-1d/23

Sarajevo, 21.03.2023. godine

**ZAPISNIK SA 23. ELEKTRONSKE SJEDNICE VIJEĆA INSTITUTA**  
**ODRŽANE 20.03.2023. GODINE**

Sjednicom je predsjedavao dr.sci. Naris Pojskić, predsjedavajući Vijeća, na osnovu čije je saglasnosti članovima Vijeća putem e-maila dostavljen, poziv (sa materijalima) za održavanje 23. elektronske sjednice zakazane za ponedjeljak, 20.03.2023. godine, sa naznakom termina izjašnjavanja do 09:00 sati.

Prije održavanja sjednice, sekretar je članovima vijeća putem e-maila dostavio mišljenje na tačku 2. i tačku 3. predloženog dnevnog reda te je isto sastavni dio ovog Zapisnika.

Napomena predsjedavajućeg Vijeća u vezi tačke 2. predloženog dnevnog reda na početku glasanja je sastavni dio ovog Zapisnika.

Jednoglasno je usvojen slijedeći

**DNEVNI RED**

1. Razmatranje izmjena Dinamičkog plana za raspisivanje konkursa za izbor u zvanje 2022/2023,
2. Odluka kojom se utvrđuju naročito opravdani slučajevi kao razlog za produženje rokova za izbor u zvanje,
3. Prijedlog odluke o produženju roka za izbor u zvanje Jasne Hanjalić Kurtović, više stručne saradnice Instituta.

**TOK SJEDNICE**

Članovi Vijeća Instituta za genetičko inženjerstvo i biotehnologiju Univerziteta u Sarajevu su putem e-mail korespondencije pozvani da se izjasne o dostavljenom materijalu.

**Tačka 1.**

Vijeće je na osnovu dostavljenog materijala jednoglasno donijelo

**PRIJEDLOG**

Odluke o usvajanju izmjena Dinamičkog plana za raspisivanje konkursa za izbor u zvanje 2022/2023. godinu

**Tačka 2.**

Vijeće je na osnovu dostavljenog materijala jednoglasno donijelo slijedeću Odluku:

Na osnovu člana 133. stav (1), člana 69. stav (1) tačka a) Zakona o visokom obrazovanju („Službene novine Kantona Sarajevo“ broj: 36/2022) i člana 193. Statuta Univerziteta u Sarajevu, broj: 01-1093-3-1/18 od 28.11.2018. godine, Vijeće Univerziteta u Sarajevu-Instituta za genetičko inženjerstvo i biotehnologiju je, na 23. elektronskoj sjednici održanoj dana 20.03.2023. godine donijelo slijedeću:

## ODLUKU

### I

Utvrđuju se naročito opravdani slučajevi kao razlog za produženje rokova za izbor u naučnoistraživačka zvanja kako slijedi:

- a) Briga i njega bliskih srodnika (u konkretnom slučaju će se cijeniti i utvrditi novi rok);
- b) Zdravstveno stanje i teška bolest (u konkretnom slučaju će se cijeniti i utvrditi novi rok);
- c) Smrt bliskog srodnika (rok utvrđen Zakonom o radu FBiH i drugim važećim propisima na nivou Univerziteta);
- d) Otežani uslovi rada ili vanredne situacije (prouzrokovane pandemijom Covid-19, poplave, elementarne nepogode i sl. produžit će se najviše do 6 mjeseci, a u izuzetno teškim slučajevima rok se može produžiti za još 6 mjeseci);
- e) U slučajevima otežanih uslova rada ili vanrednih okolnosti kod naučno-istraživačkog osoblja koje pohađa doktorski studij u inozemstvu (u konkretnom slučaju će se cijeniti i utvrditi novi rok);
- f) Otežani uslovi rada zbog ograničenog ili potpuno onemogućenog završetka praktičnog dijela rada na doktorskom studiju ili Institutskom projektu (produžit će se u trajanju do 6 mjeseci);
- g) Učešće na međunarodnim naučno-istraživačkim projektima EU ili sličnim projektima od značaja za Institut i Univerzitet (Horizon i sl., u konkretnom slučaju će se cijeniti i utvrditi novi rok);

### II

Opravdanost dužine trajanja produženja izbornog perioda u svakom konkretnom slučaju utvrđuje Vijeće Univerzitet u Sarajevu-Instituta za genetičko inženjerstvo i biotehnologiju u skladu sa trajanjem opravdanih razloga, a konačnu odluku donosi Senat Univerziteta u Sarajevu.

### III

Ova Odluka stupa na snagu danom donošenja.

## Obrazloženje

Članovima 133. stav (1), člana 69. stav (1) tačka a) Zakona o visokom obrazovanju („Službene novine Kantona Sarajevo“ broj: 36/2022) i člana 193. Statuta Univerziteta u Sarajevu, broj: 01-1093-3-1/18 od 28.11.2018. godine utvrđeno je da će se rokovi za izbor u zvanje produžiti za vrijeme provedeno na porodijskom odsustvu, odsustvu radi njege djeteta, bolovanju dužem od 6 mjeseci, vrijeme obavljanja javne dužnosti te plaćeno i neplaćeno odsustvo radi stručnog usavršavanja i u drugim naročito opravdanim slučajevima predviđenim Zakonom ili općim aktom Univerziteta u Sarajevu i organizacione jedinice.

Istovremeno, Smjernicama Senata Univerziteta u Sarajevu od 25.05.2022. godine utvrđeno je da se vijeća organizacionih jedinica prilikom donošenja općih akata kojima se utvrđuju drugi naročito opravdani razlozi koji dovode do produženja roka za izbor u isto ili više naučno-istraživačko zvanje referiraju na razloge i rokove utvrđene u tim Smjernicama. Imajući u vidu navedeno kao i odredbe Smjernica Univerziteta u Sarajevu donesena je odluka kao u dispozitivu.

### Tačka 3.

Vijeće je na osnovu dostavljenog materijala jednoglasno donijelo slijedeću Odluku:

Na osnovu člana 32. stav (5) Zakona o naučno-istraživačkoj djelatnosti („Službene novine Kantona Sarajevo“ broj: 26/2016), člana 106. i člana 193. stav (3) tačka e) Statuta Univerziteta u Sarajevu, broj: 01-1093-3-1/18 od 28.11.2018. godine i Odluke Vijeća Univerzitet u Sarajevu-Instituta za genetičko inženjerstvo i biotehnologiju broj 108-2 /23 od 20.03.2023. godine, Vijeće Univerzitet u Sarajevu-Instituta za genetičko inženjerstvo i biotehnologiju je na elektronskoj sjednici održanoj dana 20.03.2023. godine donijelo slijedeću:

✓

**ODLUKU**  
**O PRODUŽENJU IZBORNOG PERIODA**

I

Mr. Jasni Hanjalić Kurtović, višoj stručnoj saradnici Laboratorije za molekularnu genetiku prirodnih resursa, produžava se period izbora u isto zvanje za vrijeme od 6 mjeseci, počev od 01.10.2023. godine.

II

Rok za izbor u istraživačko zvanje viši stručni saradnik proužava se zbog otežanih uslova, odnosno vanrednih okolnosti uzrokovanih pandemijom Covid-19, koja je uticala na zdravstveno stanje imenovane a time i dinamiku rada na doktorskoj disertaciji.

III

Imenovanoj će se produžiti ugovor o radu za period iz tačke I ove Odluke nakon što Senat Univerziteta u Sarajevu donese konačnu Odluku.

***Obrazloženje***

Mr. Jasna Hanjalić Kurtović se obratila Vijeću Univerzitet u Sarajevu-Institut za genetičko inženjerstvo i biotehnologiju pisanom molbom od 16.03.2023. za produženje izbornog perioda u zvanju više stručne saradnice zbog otežanih uslova rada, odnosno vanrednih okolnosti uzrokovanih pandemijom Covid-19, koja je uticala na zdravstveno stanje a time i dinamiku rada i obaveze koje proizilaze iz Ugovora o radu.

Vijeće Univerzitet u Sarajevu-Institut za genetičko inženjerstvo i biotehnologiju je razmatrajući navode iz molbe iste ocijenilo opravdanim i imajući u vidu naprijed navedeno, a u skladu sa Smjernicama Senata Univerziteta u Sarajevu broj: 017-24/22 od 25.05.2022. godine i Odlukom Vijeća Instituta o utvrđivanju naročito opravdanih slučajeva kao razlog za produženje rokova za izbor u naučno-istraživačka zvanja broj 108-2/23 od 20.03.2023. godine, je na 23. elektronskoj sjednici usvojilo odluku kao u dispozitivu.

Zapisnik sačinio:

Emir Džaferović, sekretar

Predsjedava

Prof. dr. *Nar*

